



**Qajeelcha Poolisii Minneapolis  
Maanuwaalii Himaammataafi Adeemsa**

Lakkoobsa:  
5-300

**Jildii Shan – Dambii Naamusaafi Humna Fayyadamuu**

**Humna Fayyadamuu**

**5-310 Filannoo To’annoo – Rasaasawwan Dhiibbaa Qaban**

(xx/xx/23)

Himaammata kanaan duraa irratti fooyya’iinsa: (08/17/07) (10/01/10) (09/08/20)  
(12/22/20) (04/04/21)

**I. Kaayyoo**

Kaayyoon himaammata kanaa himaammata humnaa biroo, addatti rasaasawwan dhiibbaa qaban wajjin walqabatan, barbaachisummaa isaanii babal’isuudha

**II. Hiikawwan**

**Jechoota fuula P&P 5-304 irratti hiikaman:**

- Baachuu
- Qaqqabsiisuu
- Baasuu
- Agarsiisa
- Nama tokko irratti bobba’uu
- Qabxii
- Fayyadamuu

**III. Himaammata**

**A. Himaammataafi Heerota Qajeelfamaa**

Ibsoota himaammata kana keessa jiranitti dabalatee, hojjettoonni ulaagaalee imaammata hojiirra oolan biroo hunda hordofuu qabu, Heerawwan Qajeelfamaa fi istaandaardii biroo P&P 5-301 kan dabalatu garuu isa qofaarratti kan hin daangeffamne.

**B. Rasaasawwan dhiibbaa qaban akka Humna Miidhaa salphaa Uumu**

Akka MPD mirkaneessetti rasaasawwan dhiibbaa qaban(P&P 3-200) walumaa gala akka humna miidhaa salphaa uumaniitti ilaalamu, haa ta’u malee haala tokko tokko keessatti kan ajjeesan ta’uu danda’u.

**C. Himaammataafi Leenjii waliin kan Walqabate**

Qondaaltonni Rasaasawwan dhiibbaa qaban haala loogii hin qabneen qofa fayyadamuu qabu, akkasumas humni akkasii kaayyoodhaan sababa qabeessa ta’eefi leenjii MPD amma jiruufi

imaammata MPD itti fayyadama humnaa bulchu wajjin kan walsimu yoo ta'e qofa (kutaalee P&P 5-300 keessatti argaman hunda dabalatee).

#### **D. Siivilii Jeequufi Walitti qabamaa**

Rasaasawwan dhiibbaa qaban yeroo jeequmsa siiviliifi walitti qabamaa qofa akka P&P 7-805 tti itti fayyadamamu.

#### **E. Haala itti Fayyadamaa**

##### 1. Haleellaa rasaasawwan dhiibbaa qabanii

###### a. Miidhaa hammaataa yaaddoo uumuu danda'an

Haleellaan rasaasawwan dhiibbaa qabanii kan dhimma itti ba'amu humni akkasii kaayyeffatee qondaala, nama dhimmichi ilaallatu ykn qaama biraa irraan miidhaa qaamaa guddaa qaqqabsiisuuf sodaan yoo jiraate of irraa eeguuf kan barbaachisu yoo ta'e qofadha

###### b. Bakkeewwan Xiyyeffannoo

Qondaaltonni humna ajjeechaa fayyadamuun akka barbaachisu yoo itti amanan malee mataa, morma, qoonqoo, fuula, bobaa, lafee dugdaa, tiruu ykn jilba nama tokkoo rukutuuf itti yaadanii rasaasawwan dhiibbaa qaban fayyadamuu hin qaban.

##### 2. Rasaasawwan dhiibbaa qaban fayyadamuu (Haleellaan ala)

Kutaan kun darbachuufi itti fayyadama walfakkaataa biroo rasaasawwan dhiibbaa qabanii kan haleellaa hin taane irratti raawwatiinsa qaba.

###### a. Yeroo humni akkasii qondaala, nama dhimmicha ilaallatu ykn qaama biraa irraan miidhaa qaamaa kaayyoodhaan dhufu irraa eeguuf barbaachisaa ta'utti.

ykn

###### b. Dammaqinaan Mormaa jiran irratti yoo yaaliin to'annoo xiqqaan bu'a qabeessa ta'e ykn ta'uu hin oolu ta'e (akkaataa kutaa P&P 5-301 Humna Kaayyoodhaan Sababa Qabu Imaammata, Seeraa fi Leenjii Waliin Walsimu irratti).

#### **F. Wal'aansaa fi Gargaarsa Yaalaa**

##### 1. Humna erga fayyadamee booda wal'aansa fayyaa sadarkaa isaa eeggate (akkaataa P&P 5-301tti) malees, wal'aansi nama rasaasawwan dhiibbaa qaban, yeroo barbaachisaa ta'etti, naannoowwan haleelaman mallattoolee miidhamuu isaanii ijaan sakatta'uu kan dabalatu ta'a.

2. Hojjettoonni kakatan hanga hojjettoota seera kabachiistoota yaalaa ykn kan birootti kennanitti haala fayyaa nama rasaasawwan dhiibbaa qabaniin rukutamee yeroo hunda hordofuu qabu.

DRAFT